

22 АВГ 2025

№ 55/01-07

МИТРОПОЛИТ
ОМСКИЙ И ПРИИРТЫШСКИЙ

**ВСЕМ БЛАГОЧИННЫМ И НАСТОЯТЕЛЯМ ПРИХОДОВ,
ИГУМЕНУ НИКОЛЬСКОГО МУЖСКОГО МОНАСТЫРЯ И
ИГУМЕНИИ АЧАЙРСКОГО И СВЯТО-СЕРАФИМОВСКОГО
ЖЕНСКИХ МОНАСТЫРЕЙ
ОМСКОЙ ЕПАРХИИ**


***Ваши Высокопреподобия и Преподобия,
досточтимые отцы и матушка игумения!***

Приближается 1 сентября – день, когда в нашем Отечестве традиционно начинается учебный год в школах, средних специальных учебных заведениях и ВУЗах. Естественным движением сердца православного христианина является желание помолиться о своих детях и внуках, братьях и сестрах, как родных, так и знаемых, в столь важный для них день. Нуждаются в особой молитве и благословении Божиим и учителя, также как и все, кто посвятил свою жизнь учению и воспитанию подрастающего поколения. В связи с этим благословляю:

- 1) Во всех приходских и монастырских храмах совершить в Воскресенье, 31 августа, после Божественной Литургии «Молебное пение при начале учения».
- 2) Предварительно, в Воскресный день 24 августа и в день праздника Успения Пресвятой Богородицы, оповестить прихожан о возможности и необходимости получения их учащимся чадам благословения на предстоящее учение в храмах 31 августа.

- 3) Возможные сокращения чина молебного пения оставляю на усмотрение настоятелей, в зависимости от местных условий, но с *обязательным чтением молитвы, а также – преподанием благословляемым учащимся, детям и молодым людям, Креста и окропления их святой водой.* Полный текст молебного пения находится в Требнике под названием «*Молебное пение при начатии учения отроков*». Если имеется необходимость совершить молебное пение для студентов колледжей или ВУЗов отдельно – следует пользоваться «*Чином молебного пения в начале учебного года в высших и средних специальных учебных заведениях*», находящимся в приложении к данному циркулярному письму.
- 4) Кроме вышеуказанного – благочинным церковных округов, настоятелям соборов и многоклирных храмов вменяется в необходимость организовать на уровне благочиния материальную помощь тем священнослужителям, у которых имеются несовершеннолетние дети, в подготовке их к новому учебному году. В случае невозможности оказания полноценной помощи на уровне благочиния прошу своевременно обращаться ко мне. Приветствуются инициативы приходских настоятелей по организации подобной помощи многодетным прихожанам.

Призывая на труды Ваши Божие благословение,



МИТРОПОЛИТ ОМСКИЙ И ПРИИРТЫШСКИЙ

**Молебное пение в начале учебного года в высших и средних
специальных учебных заведениях**

Иерей начинает: Благословен Бог наш:

Чтец: Царю Небесный: Трисвятое. Отче наш: Господи, помилуй, 12 раз.

Слава, и ныне: Приидите, поклонимся:

Псалом 33

Благословлю Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на Нань. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети благи? Удержи язык твой от зла, и устне твои, еже не глаголати лести. Уклонися от зла, и сотвори благо. Взыщи мира, и пожени и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси, уповающии на Него.

Слава, и ныне: Аллилуиа, аллилуиа, аллилуиа, слава Тебе, Боже.
(Трижды).

Таже, ектения:

Миром Господу помолимся.

Лик: Господи, помилуй.

О свышнем мире:

О мире всего мира:

О святем храме сем:

О великом Господине:

О богохранимей стране нашей:

О еже благословити доброе намерение всех zde начальствующих, учащих и учащихся, и благоизволити благополучно начать и спешно, кроме всякаго препятия, дело обучения во славу Твою совершати, силою, действием и благодатию Пресвятаго Духа, Господу помолимся.

О еже низпослати на учащихся сих духа премудрости и разума, и отверзти ум и уста, и просветити сердца их к приятию наказания добрых учений, Господу помолимся.

О еже всадити в сердца их начало премудрости, страх Свой Божественный и просветити ум их, еже уклонитися от зла и творити благое, Господу помолимся.

О еже отверзти ум их, еже прияти и разумети, и памятствовати вся добрая и душеполезная учения, Господу помолимся.

О еже даровати им преседящую престолу Его премудрость, и всадити ю в сердца их, яко да научит их, что есть благоугодное пред Ним, Господу помолимся.

О еже преспети им премудростию и возрастом в славу Божию, Господу помолимся.

О еже явитися им добрым и верным делателем винограда Христова, Господу помолимся.

О еже сохранитися им от всяких душетленных учений, Господу помолимся.

О избавитися имже и нам от всякия скорби:

Заступи, спаси, помилуй:

Пресвятую, Пречистую, Преблагословенную, славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Возглас: Яко Милостив и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Таже, Бог Господь: и тропарь, глас 6.

Яко посреде учеников Твоих / пришел еси, Спасе, / мир дая им, / прииди и к нам, и спаси нас.

Слава, тропарь, глас 8: Благословен еси, Христе Боже наш, / Иже премудры ловцы явлей, / низпослав им Духа Святаго, / и теми уловлей вселенную, / Человеколюбче, слава Тебе.

И ныне, глас 6: Предстательство христиан непостыдное, / ходатайство ко Творцу непреложное, / не презри грешных молений гласы, / но предвари,

яко Благая, на помощь нас, / верно зовущих Ти, / ускори на молитву и потщися на умоление, / предстательствующи присно, Богородице, чтущих Тя.

Таже прокимен, глас 4. Уста моя возглаголют премудрость и поучение сердца моего разум. Стих: Услышите сия вси языцы, внушите вси живущии по вселенней.

К Коринфяном послания святого апостола Павла чтение.

1 Кор. 14: 10–12, 20.

Братие, толицы убо, аще ключится, роди гласов суть в мире, и ни един их безгласен. Аще убо не увем силы гласа, буду глаголющему иноязычник, и глаголющий мне иноязычник. Тако и вы, понеже ревнителе есте духовом, яже к созиданию Церкви просите, да избыточествуете.²⁰ Братие, не дети бывайте умы: но злобою младенствуйте, умы же совершени бывайте.

Аллилуиа, глас 8: Боже ущедрни и благослови ны. Стих: Просвети лице Твое на ны, и помилуй ны.

От Луки святого Евангелия чтение.

Лк. 24: 44–48, 50–53.

Рече Господь своим учеником: сия суть словеса, яже глаголах к вам еще сый с вами, яко подобает скончаться всем написанным в законе моисеове и пророцех и псалмех о мне. Тогда отверзе им ум разумети писания и рече им, яко тако писано есть, и тако подобаше пострадати Христу и воскреснути от мертвых в третий день. Извед же их вон до Вифании и воздвиг руце свои, (и) благослови их. И бысть егда благословляше их, отступи от них и возношашеся на небо. И тии поклонишася ему, и возвратишася во Иерусалим с радостию великою: и бяху выну в церкви, хваляще и благословяще Бога. Аминь.

Таже ектения: Помилуй нас, Боже, по велицей милости Твоей:

Лик: Господи, помилуй. (Трижды).

Еще молимся о Великом Господине:

Еще молимся о богохранимей стране нашей:

Во славу Твою вся творити повелевая, Господи, (рабом Твоим) всем zde начальствующим, учащим и учащимся, ко Твоей славе дело свое начинающим, благословением Твоим поспешество благополучное с

довольством к совершению подаждь, здравие им со благоденствием даруя, молим ти ся, Вседаровитый Творче, услыши и помилуй.

Еще молимся Господу Богу нашему, о еже призрети милостивно на учащихся сих, и низпослати в сердца, во ум и во уста их Духа премудрости, разума же и благочестия, и страха Своего, и просветити их светом Своего богоразумия, и подати им силу и крепость, во еже скоро прияти и спешно навыкнути Божественнаго закона Его наказанию, и всему благому и полезному учению; еже преуспевати им премудростию и разумом, и всеми благими делы в славу Пресвятаго Его имени, и даровати им здравие, и долголетны их сотворити к созиданию и славе Церкви Своея и Отечества нашего, рцем вси: Господи, услыши и милостивно помилуй.

Возглас: Услыши ны, Боже Спасителю наш, Упование всех концов земли и сущих в мори далече, и Милостив, Милостив буди, Владыко, о гресех наших и помилуй ны, Милостив бо и Человеколюбец Бог еси, и Тебе славу возсылаем, Отцу и Сыну и Святому Духу ныне и присно и во веки веков. Аминь.

Молитва

Господи, Боже и Создателю наш, образом Своим почтый нас человеки, научивый избранныя Твоя, яко дивитися внемлющим учению Твоему, открывый премудрость младенцем; иже Соломона и всех взыскующих премудрости Твоей научивый, отверзи сердца, умы и уста рабов Твоих сих, во еже прияти силу закона Твоего, и со успехом познати преподаемая им полезная учения, в славу Пресвятаго имене Твоего, в пользу и созидание Святей Твоей Церкви и Отечества нашего, и разумети благую и совершенную волю Твою. Даруй им бодренным сердцем и трезвенною мыслию непреткновенно прейти все поприще учения сего и в добрей совести явити достойный плод благих учений. Избави их от всякаго налога вражия, от всякаго душетленного учения и злых обычаев, соблюди их в православней вере, и во всяком благочестии и чистоте во вся дни живота их, да преуспеют в разуме и во исполнении заповедей Твоих; да тако предуготовани прославят Пресвятое имя Твое, и будут наследницы Царствия Твоего. Яко Ты еси Бог силен в милости, и благ в крепости, и Тебе подобает всякая слава, честь и поклонение, Отцу, и Сыну, и Святому Духу, всегда, ныне и присно, и во веки веков, аминь.

Таже Премудрость. Пресвятая Богородице: И отпуст.